



**Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. V. Impugnatur sententia Molinæ,

---

[urn:nbn:de:hbz:466:1-77232](#)

57. quitur quid ex decreto illis adveniat aliqua noua perfectio, & consequenter aliqua mutatio.

Ad objectionem, concessio Antecedente, neganda est Consequentia. Ex eo enim quod ideae divinae sunt infinitae in representando, solum sequitur quod illae representent omnia que sunt representabilia, & eo modo quo sunt representabilia: unde cum antecedenter ad divinum decretem de futuritione rerum, nihil sit representabile ut futurum, sed solum ut possibile; et quod in eo signo, res omnes sint in statu purae possibilis; idea divina, quamvis infinita in representando, non representant, nec representare possunt ante decretem, res sub esse futuro, sed tantum sub esse possibili.

Hac responsio & doctrina explicari potest, & illustrari exempli speculi. Sicut enim speculum, quantumcumque perfectum, non representat nisi objecta que sunt, non vero que erunt, vel fuerint; non defectu virtutis representativa in ipso, sed defectu objecti, quod non est representabile: ita similiter essentia divina habet rationem veluti purissimi speculi, in quo res omnes reluent, & representant intellectui divino, eo modo quo sunt cognoscibles, & representabiles: id est ut mere possibles, si sunt in statu merae possibilis; ut futurae, si sunt determinatae in suis causis ad habendum existentiam, & ut praesentes & existentes, si sunt actu posita extra suas causas. Sicut ergo quando speculum representat aliquod objectum quod antea non representabat, hoc non fit per mutationem ipsius speculi, sed potius per mutationem objecti, quod fit illi praesens, eique objicitur: ita similiter quando essentia divina, ut habet rationem idearum, representat post decretem res ut futuras, cum ante illud representaret eas solum ut possibles: nulla advenit ei mutatio ex decreto, sed solum per illud res transferuntur a statu merae possibilis, ad statum futuritonis, & sunt cognoscibles, & representabiles ut futurae, cum antea essent solum cognoscibles, & representabiles ut mere possibles. Ex quo patet responsio ad confirmationem.

### §. V.

#### *Impugnatur Sententia Molinae.*

58. Molina loco supra citato certam futurorum tam absolutorum, quam conditionatorum notitiam, reducit ad altissimam, & imperficiabilem comprehensionem divini intellectus, quam comprehendit arbitrium creatum, & in illo quid est actum, si in hac aut illa occasione ponereatur, certe cognoscit. Ex quo infert, nec Deus in sua voluntate, decreta sua ut futura, nec Angelum in voluntate humana, futuros ejus actus liberos, certe posse cognoscere: quia nec Deus suam voluntatem, nec Angelus voluntatem humanam supercomprehendunt, sed tantum comprehendunt. Quem modum dicendi non approbarit, nec sequuntur alij Theologi ejusdem familie, excepto Becano. Ut ergo hanc sententiam Molinae efficaciter confutetur.

Dico secundo: Futura contingentia absoluta vel conditionata, non possunt a divino intellectu certe cognosci in suis causis liberis, aut contingentibus, prout praeveniunt prædeterminationem divinam.

59. Probatur primò conclusio ex Sancto Thoma 1,

A Periherm, lect. 13, in 1. dist. 38, quæst. 1. art. 5, quæst. 2. de verit. art. 12. quæst. 12. art. 10. Primo contra Gentes cap. 67. Item 2. 2. quæst. 171. art. 6. 1. parte quæst. 57. art. 3, quæst. 86. art. 4. & hic art. 13, quibus locis expriesce docet, in causis contingentibus non posse futura contingentia certe cognosci, sed conjecturaliter tantum. Ergo modus ille dicendi Molinae, apertissime contrariatur doctrina D. Thomæ.

Probatur secundò ratione ex illis locis defumpta. Deus non potest cognoscere futura contingentia, & libera in causis secundis, aut in voluntate creata, nisi eo modo quo in illis continentur: alioquin talis cognitio esset falsa, &

B induceret imperfectionem in cognoscente: At secluso decreto prædeterminante, futura contingentia & libera non continentur certe in causis secundis, aut in voluntate creata: Ergo non possunt in illis certe cognosci. Major constat, Minor probatur. Causæ contingentia & libera, ex se sunt indifferentes, & indeterminatae ad ponendum vel non ponendum effectus contingentia, & actus liberos; & possunt vel ab extrinseco impediri, ne in actum exeat, vel se determinare ad actum oppositum. Ergo cum effectus in causa eo modo se habeant in cognoscendi, quo ad esse; cum illa sit medium cognitionis, quia est medium, & causa effendi: sicut effectus contingentia & liberi, seclusa divina prædeterminatione, in causis contingentibus & liberis, non habent esse certe & infallibiliter: ita nec in illis, aut ex illis, possunt certe & infallibiliter cognosci, sed conjecturaliter tantum. Quam rationem tangit Sanctus Doctor art. 13, hujus questionis, his verbis: *Causa contingens se habet ad opposita, & sic contingens ut futurum non subditur per certitudinem alicui cognitioni. Unde quicunque cognoscit effectum contingentem in sua causa tantum, non habet de eo nisi conjecturalem cognitionem.*

Confirmatur & magis declaratur haec ratio. 61.

Voluntas humana v. g. antecedenter ad decretem, & prædefinitionem voluntatis divinae, potest considerari, vel secundum se, vel ut in his illis occasionibus & circumstantiis constituta, aut ut mota & excitata tali vel tali motione morali:

D Sed quocumque ex his modis consideratur, non potest esse medium in quo certe & infallibiliter, possint cognosci eius actus liberi futuri: Ergo illi non possunt antecedenter ad decretem & prædefinitionem voluntatis divinae, in voluntate humana certe & infallibiliter cognosci. Minor probatur: Voluntas humana, non solum secundum se spectata, sed etiam ut sit sub illis circumstantiis & occasionibus, & prout hac vel illa motione morali moveatur, & excitatur, manet indeterminata, & indifferens ad utrumlibet; ad amorem verbi gratia, vel ad odium, etiam in sensu composito, ita ut utrumque possit conjungere, & componere cum tali excitatione morali, & cum illis occasionibus & circumstantiis: maximè in sententiis Adversariorum, qui volunt ad libertatem necessariò requiri, ut possit quisuscumque ad agendum prærequisitis, voluntas maneat semper indifferens ad utrum libet, etiam in sensu composito. Ergo seclusa divina prædeterminatione, non possunt in voluntate humana, certe cognosci actus eius liberi futuri.

E Responder Molina, haec argumenta solum demonstrare actus liberos futuros, non posse certe

## DE SCIENTIA FUTVRORVM CONTINGENTIVM. 231

cognosci in voluntate humana, per comprehensionem illius, non tamen probare de supercomprehensione; unde cum Deus non solum comprehendat voluntatem creatam, sed etiam supercomprehendat; eo quod lumen intellectus divini, in infinitum excedat cognoscibilitatem voluntatis creatae, in illa certò cognoscit ejus actus liberos futuros.

63. Sed contra primò: Vel actus liberi possunt in arbitrio creato certò, & infallibiliter cognosci, vel non? Si primum, sequitur quod illi possunt certò cognosci ab Angelo, per comprehensionem voluntatis creatae; de ratione siquidem comprehensionis est, quod nihil objecti lateat cognoscēt, & quod attingat in causa id omne quod in se continet, & cuius potest esse medium infallibile. Si secundum, illi non poterunt certò cognosci ab intellectu etiam divino, per supercomprehensionem; cum illa non possit attingere effectus in causis secundis, & actus liberos in voluntate creatae, nisi cō modō quō in illis sunt cognoscibiles, & quō in eis continentur: alioquin, ut antea dicebamus, talis cognitionis mutaret objectum, & induceret imperfectionem in cognoscēt.

Secundò, Id tantum est cognoscibile in aliquo, quod ex vi illius cognosci potest: Ergo si supercomprehensionis non terminatur ad actiones liberas, ut cognoscibiles ex vi liberi arbitrij creati, sed ex vi eminentiae divinae scientiae: non cognoscit illas in arbitrio creato, ut in medio.

Tertiò, Cognitionis non praefat objecto vim motivam, aut quasi motivam, per quam possit certò cognosci, sed potius eam in illo supponit: Ergo si voluntas creatae, ratione sua indifferente, & defectibilitatis, non habeat ex se vim quasi motivam, quā possit ducere in certam & infallibilem suorū actuum futurorum cognitionem, non poterit illam recipere à lumine infinito divini intellectus, eam supercomprehendente, & in infinitum excedente ejus cognoscibilitatem.

Quartò, Si Deus discursivè cognosceret effectum per causam, non posset ex arbitrio creato, ut supercomprehendo, certò colligere determinationem actuum liberorum: Ergo nec etiam non utens discursu. Consequenter pater, nam licet Deus non utatus formalis discursu, virtutiter tamen, seu eminenter discurrit; ac proinde quod in objecto, formalis discursus nequit cognoscere, neque etiam poterit per virtutem aut eminentem. Antecedens autem probatur. Ut per discursum certò unum ex alio inferatur, sive intercedat comprehensionis, sive supercomprehensionis objecti, debet cum illo concreti infallibiliter, & per bonam consequentiam inferri: At ex arbitrio creato (utpote causa fallibili, & defectibili) ad esse determinatum actuum liberorum, consequentia infallibilis effici nequit; sicut ex principio solum probabili, & incerto, non potest deduci conclusio demonstrativa: Ergo &c.

64. Probatur tertio conclusio: Quoties aliquis effectus per se essentialiter dependet à duabus causis, ut cognoscatur certò, & infallibiliter futurus, oportet quod determinatio utriusque cause cognoscatur: sicut enim in sua existentia, ab utriusque influxu & causalitate; ita & in sua futuritione, ab utriusque determinatione dependent.

*Tom. I.*

A det: Atqui futura contingentia, & actus liberi nostre voluntatis, per se & essentialiter dependent, non solum à causis secundis, & à voluntate creatae; sed etiam à Deo, & à voluntate divina, tanquam à prima & universalissima causa: Ergo ut illi cognoscantur certò & infallibiliter futuri, debet cognoscit non solum determinatio causarum naturalium, & voluntatis humanae, sed etiam decretum ac determinatio voluntatis divine.

Denique probari potest conclusio argumento ad hominem contra Molinam. Deus non cognoscit certò in sua voluntate, sua decreta ut futura, antecedenter ad actualem illorum existentiam.

B ut fatetur Molina: Ergo nec in voluntate creatae, certò praescit ejus actus liberos futuros. Probatur Consequentia, si enim voluntas divina non potest esse medium in quo Deus cognoscat suos actus liberos futuros; à fortiori nec voluntas creatae poterit esse medium ad suos actus liberos futuros, certò & infallibiliter cognoscendos. Et mirum est, quod Molina velit in sola voluntate creatae cognoscit ejus actus liberos, non autem in voluntate divina ejus decreta. Et quod magis mirum, aut absurdum est, quod ad cognoscendos actus liberos futuros voluntatis creatae, velit non requiri cognitionem divini decreti, & determinationis voluntatis divinae.

C Neque valet responsio hujus Authoris dicentis ideo Deum non cognoscere in sua voluntate sua decreta, sicut in voluntate creatae praescit ejus actus liberos futuros: quia non supercomprehendit suam voluntatem divinam, sicut voluntatem creatam. Licet enim Deus supercomprehendat voluntatem creatam, & tantum comprehendat voluntatem suam: attamen illa ut supercomprehensa, non est perfectius cognita, quam voluntas divina ut tantum comprehensa: alioquin perfectius à Deo cognoscetur voluntas creatae, quae est objectum remotius divinae scientiae, quam voluntas divina, quae est ejus objectum propinquius, & immediatus: quod est profus absurdum. Ergo si cognitionis Dei, ut terminata ad voluntatem divinam, & ut est ejus comprehensionis, nequit certò in illa attingere ejus libera decreta; non poterit etiam eadem cognitionis, ut terminata ad voluntatem creatam, & quatenus est illius supercomprehensionis, certò attingere in illa actus ejus liberos futuros: vel si ad ipsos potest certò terminari, poterit etiam ad illa se extendere.

65.

66.

### §. VI.

#### Solvuntur argumenta Moline.

E P rimò arguit Molina ex S. Thoma I. contra Gentes cap. 67. ratione 3. ubi docet quod sicut ex causa necessaria, certò cognoscitur effectus necessarius; ita ex causa contingenti non impedito, certò cognoscitur effectus contingens: Ergo etiam in libero arbitrio non impedito, secundum Doctrinam Divi Thomae, Deus certò poterit ejus actus liberos futuros cognoscere.

Secundo alter arguit: Sæpe (inquit) contingit, ut pater ex indole filij sibi innata, conjecturaliter cognoscatur in quam partem liberè inclinabitur: Ergo cum Deus inclinationem voluntatis nostræ, infinitè perfectius penetreret, & cognoscatur, quam quilibet pater indolem sui

67.

68.

Gg ij